

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO PRAVOBRANILAŠTVO

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj 49/05 i 103/21), Pravilnika o unutrašnjoj organizaciji Općinskog pravobranilaštva Vareš broj Up-2/23 od 15.12.2023. godine i Odluke Općinskog načelnika Općine Vareš o davanju saglasnosti za popunu upražnjenog radnog mjesta namještenika u Općinskom pravobranilaštvu, broj: 02-003/24. od 03.01.2024. godine, Općinsko pravobranilaštvo raspisuje :

JAVNI OGLAS

Za popunu upražnjenog radnog mjesta namještenika u Općinskom pravobranilaštvu u Varešu

1. „Viši referent za administrativno-tehničke poslove“.....1 (jedan) izvršilac na neodređeno vrijeme

Opis poslova: poslovi izrade normativnih akata, izvještaja, programa, poslovi iz radnih odnosa, poslovi pisarnice: prijem pošte, raspoređivanje pismena, osnivanje predmeta i popis i sređivanje spisa, predaje predmeta u rad, otpremanje pismena, vođenje i zaključivanje upisnika, pomoćnih knjiga i drugih evidencija, odlaganje predmeta u arhivu, čuvanje i izdavanje predmeta, sortiranje predmeta po broju, vrsti i stepenu završenosti, poslovi tehničkog sekreta, računarska obrada pismena i spisa i drugi poslovi koji se daju u zadatak od strane Pravobranioca , odnosno zamjenika pravobranioca.

Uslovi : Pored općih uslova propisanih članom 24. Zakona o namještenicima u organima državne službe (državljanstvo BiH, punoljetstvo, opća zdravstvena sposobnost za obavljanje poslova radnog mjesta, vrsta i stepen školske spreme potrebne za obavljanje poslova radnog mjesta, da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini, da nije obuhvaćen odredbom člana IX 1. Ustava Bosne i Hercegovine) kandidati trebaju ispunjavati i sljedeće posebne uvjete:

- SSS-gimnazija ili ekonomska škola, najmanje 10 (deset) mjeseci radnog staža poslije završene srednje škole, poznavanje rada na računaru i položen stručni ispit, položen vozački ispit B kategorije.

Potrebno je priložiti sljedeće dokumente (originali ili ovjerene fotokopije):

1. Svojeručno potpisanu prijavu na Javni oglas sa kratkom biografijom, kontakt podacima (adresom stanovanja i brojem telefona) i sa tačno navedenom dokumentacijom koju kandidat prilaže na Javni oglas,
2. Rodni list,
3. Diplomu o vrsti i stepenu školske spreme,
4. Uvjerenje o državljanstvu (ne starije od 3 mjeseca),
5. Dokaz o radnom stažu poslije završene srednje škole,
6. Dokaz o položenom stručnom ispitu za namještenika u organima državne službe,
7. Dokaz o poznavanju rada na računaru (uvjerenje/potvrda/certifikat),
8. Dokaz o položenom vozačkom ispitu B kategorije,
9. Ovjerena i svojeručno potpisana izjava kandidata da u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini i da nije obuhvaćen odredbom člana IX. 1. Ustava Bosne i Hercegovine.
10. Ovjerena i svojeručno potpisana izjava da kandidat daje izričitu saglasnost Općini Vareš, Općinskom pravobranilaštvu Općine Vareš, za obradu njegovih ličnih i posebnih podataka sadržanih u dostavljenoj dokumentaciji uz prijavu na Javni oglas, u svrhu i na način obrade ličnih podataka na osnovu zakona ili drugog propisa, a u skladu sa Zakonom o zaštiti ličnih podataka („Službeni glasnik Bosne i Hercegovine“, broj: 49/06, 76/11 i 89/11).

Kandidat koji nema položen stručni ispit može se primiti u radni odnos, ali je dužan taj ispit položiti u roku od 6 (šest) mjeseci od dana prijema u radni odnos.

Izbor između prijavljenih kandidata koji budu ispunjavali opće i posebne uslove izvršit će se nakon obaveznog intervjua.

Izabrani kandidat će biti dužan dostaviti uvjerenje o općoj zdravstvenoj sposobnosti za obavljanje poslova radnog mjesta i isti podliježe obavezi probnog rada u trajanju od 3 (tri) mjeseca.

Izabrani kandidat će biti dužan dostaviti uvjerenje da se protiv kandidata ne vodi krivični postupak i uvjerenje o nekažnjavanju (ne starije od 3 mjeseca) prije preuzimanja dužnosti namještenika.

Sve tražene dokumente treba dostaviti u roku od 15 dana od dana objavljivanja Javnog oglasa na web stranici Općine Vareš i u dnevnim novinama (Oslobođenje, Dnevni avaz i Dnevni-list.ba) na adresu:

**OPĆINA VAREŠ
OPĆINSKO PRAVOBRANILAŠTVO
Ulica: Zvijezda br. 34
71330 VAREŠ,**

**sa naznakom „Javni oglas za popunu upražnjenog radnog mjesta namještenika
u Općinskom pravobranilaštvu Vareš-NE OTVARAJ“**

**Broj : Up-1/24
Vareš, 03.01.2024. godine**

**OPĆINSKO PRAVOBRANILAŠTVO
Zamjenik općinskog pravobranioca**

Belma Karamustafić, MA. iur.